

B E R T E R O A .

*DeCand. Syst. v. 2. 290.*

*Silicula* elliptica, valvulis convexo-planis, membranaceis, dissepimento enervi, arenio, areolarum parietibus rectis. *Semina* lateralia, orbiculata, compressa, alâ membranaceâ cincta. *Cotyledones* accumbentes. *Stylus* filiformis, persistens. *Petala* biloba.

TABULA 626.

BERTEROA OBLIQUA.

BERTEROA caule suffruticoso, siliculis obliquis complanatis subpubescentibus.

B. obliqua. *DeCand. Syst. v. 2. 292.*

Alyssum obliquum. *Prodr. n. 1509. v. 2. 12.*

Lunaria leucoidii folio, siliquâ oblongâ minori. *Tourn. Inst. 218.*

Leucoium peltatum romanum minus. *Column. Ecphr. pars 2. 58. t. 60.*

L. alyssoides clypeatum minus. *Bauh. Pin. 201. Moris. v. 2. 247. sect. 3. t. 9. f. 5.*

In Sicilia. ♀.

*Radix* lignosa, tortuosa, nodosa, multiceps. *Caules* plurimi, erecti, teretes, pubescentes, subincani, foliosi, fistulosi; basi praecipuè lignosi et subramosi. *Folia* alterna, subpetiolata, obovato-oblonga, obtusa, repanda, utrinque tristè virentia, subincana; pube adpressâ. *Corymbi* terminales, solitarii, multiflori, e caulium apice denudato pedunculati, erecti. *Calyx* piloso-incanus, foliolis duobus exterioribus basi gibbis. *Petala* nivea; limbo semibilobo, rotundato; ungue cuneato-lineari, longitudine calycis. *Stamina* subaequalia, filiformia, vix calyce longiora, omnia ni fallor simplicia. *Antherae* ovaes, incumbentes. *Germen* sessile, ovale; stylo filiformi, erecto, ejusdem longitudinis, persistente; stigmatibus capitato. *Siliculae* longius racemosae, erecto-patentes, parvae, ellipticae, compresso-planiusculae, inaequilateres, sive obliquae, stylo persistente, obliquo, mucronatae, saepius pubescentes, quandoque glabratae. *Semina* in utroque loculamento tria vel quatuor, nec, nisi abortu, solitaria, omnia lateralia, compresso-plana, ferruginea, alâ membranaceâ, latâ, orbiculari cincta.

Genus hoc novum, a summo viro DeCandollio propositum, in dubio haud revocandum; nec desunt characteres, in habitu vel fructificatione, quibus confirmatur.

A. Calyx auctus.

B. Petalum.

C. Impregnationis organa.

d. Silicula matura, non aucta.

e. Dissepimentum, cum semine solitario.

f. F. Semen.